



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm II. Quamuis.

---

[urn:nbn:de:hbz:466:1-62559](#)

ne Superioris auctoritate pacisci potest  
in favorem & commodum ecclesiae sua.

**N**O T A N D V M I . Priuilegio Apostoli-  
cum tantum comodum, seu fauorem conces-  
nat. Consentit c. Cùm M. 9. de Constit. c.  
si de terra, 6. c. accedentibus 19. de priuile-  
gio. Quia liberum est cuique iuri suo re-  
nuntiare, cit. c. si de terra. Accedit, quod  
renuntiatio hæc priuilegij ideo facilius ad-  
mittitur, quia per eam redditur ad ius com-  
mune, quod fauorable est. Etenim spectato  
iure ordinario, ad solas Ecclesiæ parochia-  
les ius sepeliendi parochianos spectat; ad  
alias autem Ecclesiæ Collegiatas, aut Con-  
uentuales non nisi ex priuilegio, vti docui-  
lib. 3. Th. mor. tr. 5. c. vlt. n. 3.

Obijcies: Parochiani habent liberam fa-  
cultatem eligendi sepulturam extra paro-  
chiam suam, c. 1. de Sepulturis: Ergo non  
possunt repelli, si voluerint sepeliri in Ec-  
clesia eius Monasterij, cuius incolæ priuile-  
gio renuntiarunt: quandoquidem pactum  
non obligat, quatenus cedit in præiudicium  
alterius non consentientis, c. penult. extræ  
hoc tit. Resp. Quod Parochiani eligere pos-  
sunt sepulturam non in omni Ecclesia, sed  
in ea tantum, quæ ius sepeliendi habet: At  
verò Monasterium ius sepeliendi perdidit,  
postquam priuilegio suo renuntiavit. Ac-  
cedit, quod licet Parochiani ius habeant  
extra Parochiam eligendi sepulturam, si  
admittantur; non tamen cogere possint, vt  
recipiatur, sicuti Anchar. & Dominic. hic  
notarunt.

**N**O T A N D V M I I . Rector Ecclesiæ,  
sive Parochus etiam sitæ Superioris aucto-  
ritate pacisci potest in favorem & commo-  
dum Ecclesiæ sua. Ita colligitur ex hoc tex-  
tu, & docent Ioann. Andr. & Petr. Anchar.  
hic in princ. Domin. Geminianus in fine, &  
sumit ex l. non eo minus, 14. C. de Pro-  
curator. vbi habetur; Licet sententia lata  
contra Minorem natu agentem per procu-  
ratorem absque tutoris auctoritate non va-  
leat, iuxta l. 1. & 2. ff. Qui legit, person. stan-  
di &c. valere tamen, si pro Minore pronun-

tiatum fuerit: Quia lex, quæ minoribus  
læsis ob ætatem subuenit, non rebus pro-  
sperè gestis obesse debet. Ecclesia autem  
iure Minoris fungitur, c. auditis, 3. de in-  
tegr. restitut. Quare de ea dici potest, Li-  
cet administratores, vel Rectores eius obes-  
se ei non possint alienando, absque Supe-  
rioris auctoritate, vti constat ex c. Ab-  
batibus, 41. causa 12. q. 1. & docent DD.  
nominatum Abb. in c. 1. n. 5. De his quæ  
sunt à Prælatis &c. posse tamen Rectores  
Ecclesiæ suis professe acquirendo, v. g.  
donationes aut debitorum remissiones ac-  
ceptando, vti etiam dixi lib. 3. Theol. mo-  
ral. tr. 4. c. 1. coroll. 2.

## C A P I T U L U M II.

## Quamuis.

## P A R A P H R A S I S.

Licet lex ciuilis improbet pactum inter  
patrem & filiam, quod dum ruptui tra-  
ditur, contenta doce paterna, hæreditati  
renuntiet, si tamen huiusmodi pa-  
cto iuramentum absque vi, & dolo ac-  
cesserit, omnimodè seruandum est, cùm  
sine peccato, seu salutis æternæ dispendio  
seruari possit, neque in alterius cyu-  
liam detrimentum redundet.

## S U M M A R I U M .

1. Legi improbanti pactum, quod filia  
contenta doce nullum ad bona paterna  
regressum habeat, per contrariam con-  
suetudinem, aut statutum municipale  
derogari potest.
2. Pactum affirmatum de succedendo in  
hæreditate, ne apposito quidem iura-  
mento confirmatur, securus est, quando  
pactum est negativum de non succe-  
dendo.
3. Qui quis heres necessarius si hæreditati  
cum iuramento renuntiet, valida est re-  
nuntiatio modo dolus, aut vis nulla in-  
terueniat; alterutro enim horum inter-  
venien-

Cccc 3 uenien-

- ueniente pactum renunciationis efficacem obligationem non parit.
4. In renunciatione filiae maximè attendendum est ad causam, ob quam vel in cuius fauorem facta sit, si verbis expressum non sit.
  5. In dubio interpretari oportet renunciationem, ut quam minimè ladan renunciantem.
  6. Iuramentum promissorum seruandum est, si absque dolo, aut vi proficuum, in salutis propria dispensum, aut tercia persona praividicium non cedat.

**L**Ex improbans pactum, quod filia cōtentata dote nullum ad bona paterna regressum habeat, est in ordine 3. C. de collationibus: Etenim propter bonum publicum Cæsaris legibus constitutum est, ut hæreditas pactis nec dari, nec auferri possit, 1. hæreditas, 5. C. de pactis conuentis, 1. si quando, 35. §. illud, C. de inoffic. testam, & videri potest Couar. in hoc c. princip. n. 1.

Verum cūm hæc constitutio non ex naturali, sed ciuili tantum iure sit, hinc sequitur primò: Quod ei derogari possit per contrariam consuetudinem, aut statutum municipale. Qua ratione in Germania inter personas illustres ac nobiles usurpatum est, vt pacta gentilitia fiant, Erbeitung / quibus fæminæ accepta aliqua bonorum mobilium portione, reliquæ hæreditati masculis obuenturæ renuntient, ob familie conservationem. Qua de re videri potest And. Gaill lib. 2. obseruat. 127.

Sequitur secundò: Quod Princeps, qui in Imperio est Imperator, eiusmodi pacta, quæ de succedendo, aut non succedendo in hæreditate contra ius commune instituuntur, approbare possit, sicut ex communī docent Molin. tr. 2. tom. 3. priore, disp. 578. Gaill loco cit. Constat enim, Principem legibus non ita astringi, quin eis ex causa iusta derogare, seu dispensare possit. Quamobrem ob maiorem securitatem consuetum est in Germania, vt dicta gentilitia pacta imperatoria auctoritate confirmantur.

Discrimen autem est inter pactum af. 2 firmatum de succedendo in hæreditate, & inter negatum de non succedendo; quod illud ne quidem apposito iuramento confirmetur, ita vt actio ex iustitia tribuitur. Quare si Titius Caio iuratus promittat, se hæredem ipsum institutum esse, ac postea mutata voluntate alium instituat, licet Titius per iurij crimen incurrit, tamen valebit institutio, neque contra Titium, aut eo mortuo contra hæredem institutum actio concedetur. Idque merito ciuilibus legibus constitutum fuit, quia tale pactum de succedendo, cum ansam prebeat mortis machinandæ promissori, bono communi multum incommodare censetur, vt dixi lib. 4. Theol. moral. tr. 3. c. 8. At vero pactum de non succedendo, se renuntiatio hæreditatis, cūm ausam mortis machinandæ nullam prebeat, iuramento confirmari potest, ita vt exinde actio oriatur contra renuntiantem, sicuti ex communi docet Petr. Ancharen. hic col. 2. Dominic. in Gl. fin. Couar. in hoc c. p. 3. initio n. 1. §. Igitur,

Sed pro maiore intellectu huius c. queritur primò: Cur de filia renuntiante dunt taxat mentio fiat? Resp. Id exempli causa factum esse, quia frequentius filia, quam filii hæreditati paternæ renuntiare solent. Idem, verò omnino sentiendum est de quo quis hærede necessario descendente, vel ascidente, si hæreditati sibi debitis cum iuramento renuntiet, renuntiationem validam esse, sicuti ex communi docet Couar. in hoc c. p. 3. §. 1. & 2. Requiritur tamen, vt renuntians pubes sit; at verò impubrem ex iuramento non obligari ciuiliter, docent DD. in Auth. Sacraenta puberum, C. si aduersus venditionem, & Domin. hic col. 1. Gl. ver. fernari debet, Couar. p. 3. §. 1. n. 3.

Quæritur secundò: Si aliquis ex descendentiibus v. g. filius, vel filia hæreditati paternæ, aut maternæ omnino, & in totum renuntiet, nulla portione accepta, vtrum renuntiatio propter appositum iuramentum valeat? Negat Petr. de Ancharen. hic col. 1. arg.

1. arg. huius c. ver. dote contenta. Sed distinguendum cum Dominicō hīc col. 2. Couar. §. 2. n. 6. Molina cit. disput. 587. concl. 3. parte 4. & disp. 579. n. 33. Si filius, aut filia aliunde bona habeat, vel per industriad suam, aut alio quoque modo acquirere possit, quæ sufficiant ad sustentationem, valet talis renuntiatio iurata. Sin autem filius vel filia bona sufficientia ad sustentationem non habeat, nec facile habere possit, tunc pactum renuntiationis, nisi alimenta necessaria excipiatur, iuri naturali repugnat, cui iuramentum præiudicari nequit. Atque ob hanc formatur casus huius c. de filia, quæ dote contenta, reliqua hæreditati renuntiat, quia si aliunde marito vel Monasterio dotem (quæ in istar alimento rum esse censetur) afferre non possit, hæreditati paternæ, aut maternæ renuntiare haud poterit.

**Q**UÆRITVR tertid; Cur dicatur, iuramentum omnino seruandum, si neque vi, neque dolo adhibito præstatum sit. Respondeo, cum Dominic. hīc in fine col. 1. ideo sic dici; *Quia si dolus, aut vis aliqua interuenit, licet iurans, ob reuerentiam Numinis diuini, ex Religionis virtute obligetur, potest tamen iuramenti relaxationem petere, vti docui lib. 4. Th. mor. tr. 3. c. 7. q. 5.* Poteſt etiam Magistratus cogere eum, qui dolum aut vim intulit, vti iuramentum remittat, aut illo etiam nolente ipſem Iudex relaxare, vti docui cit. tr. 3. c. 4. n. 3. & c. 11. n. 9. Exemplum domi est, si parentes persuadeant filia, minores esse facultates suas, quam reuerā sint, vt contenta dote modica reliqua hæreditati renuntiet. Exemplum illatae viis seu inuoluntarij mixti est, si ideo filia renuntiet hæreditati paternæ, quia nisi id faciat, dote à patre consequi non potest. His casibus, pactum renuntiationis iuramento non confirmatur efficaciter: quamobrem filia, si iuramenti relaxationem impetrat, hæreditatem sibi debitam petere potest, imò nepotes ex filio, aut filia, quæ renuntiaverat, iuramenti relaxatione non indigent ad petendam hæreditatem; cùm iuramenti obligatio, vtpote personalis, illos

non afficiat; pactum autem renuntiationis, si per vim extortum sit, efficacem obligationem non pariat, vti obseruauit Couar. in hoc c. p. 3. §. 2. n. 6. Mol. cit. disp. 579. n. 14. 28. & 35.

Ad extremum, bene monet Couar. cit. 4. p. 3. §. 3. n. 4. Andr. Gaill. p. 2. obseruat. 148. n. 4. Mol. cit. disp. 579. n. 19. Quod in renuntiacione filiae, si verbis sufficienter expressum non est, maximè attendendum sit ad causam, ob quam facta, vel in cuius favorem facta est; num potissimum in favorem fratrum, tunc ijs mortuis filia admittenda erit ad hæreditatem, quia deficit conditio, ob quam iuri suo renuntiauerat. An verò in favorem agnationis propagandæ: tunc non admittitur ad hæreditatem paternam, etiam mortuis fratribus, si agnatus lateralis superfit. An denique simpliciter renuntiarit in favorem patris, vt liberè de rebus suis disponere possit, quia ipsa Monasterium v. g. ingressura est, tunc regrefsum non habebit ad capessendam hæreditatem paternam, tametsi omnes agnati ante patrem moriantur. In dubio autem ita interpretari oportet renuntiacionem, vt quam minimè lēdat renuntiantem; cùm ea strieti iuris existat, vti ex communi docui lib. 3. Th. mor. tr. 5. c. 7. n. 2. vbi plura leges, quæ hoc loco omissa sunt.

His explicatis notanda est regula huius textus: Iuramentum promissorum inuolabiliter seruari debet, si absque dolo, aut vi præstatum, in salutis propriæ dispendiū aut tertiae persona præiudicium non cedat. *Quia de re plenè dixi lib. 4. Theol. moral. tr. 3. c. 6. & seqq.*

### CAPITVLVM Vlt.

#### Quia ex eo.

##### P A R A P H R A S I S.

Pacta, & transactiones, quæ inter Religionos mendicantes, & Prælatos, Capitula, & Rectores Ecclesiærum &c. super iuribus parochialibus, aut simili bus articolis